

25. 02. 2010. Održane tranzicijske radionice u Čapljini, Tuzli, Banja Luci i Sarajevu

U skladu sa Odlukom ministra odbrane broj: 10-50-739/10 od 09.02.2010. godine predstavnici Odsjeka za tranziciju personala i djelatnici regionalnih tranzicijskih centara MO BiH dana 25.02.2010. godine organizovali su i održali jednodnevnu tranzicijsku radionicu namjenjenu vojnicima koji će biti otpušteni iz Oružanih snaga sa 28.02.2010. godine. Radionica je održana u kasamama: „Božan Šimović“ u Čapljini, „Dubrave“ u Tuzli, „Kozara“ u Banja Luci i „Rajlovac“ u Rajlovcu.



Cilj tranzicijskih radionica bio je upoznati vojnike koji su u tranziciji i kojima vojna služba u OS BiH prestaje sa 28.02.2010. godine sa sljedećim osnovnim informacijama:

- mjerama i aktivnostima Ministarstva odbrane i Oružanih snaga BiH na pripremi za proces tranzicije, osnovnim odredbama Programa „Perspektiva“ i procedurama iz Pravilnika o tranziciji, zonama odgovornosti i nadležnostima regionalnih tranzicijskih centara,
- pravima, obavezama i odgovornostima u procesu tranzicije i rokovima registracije i uključivanja u Program „Perspektiva“,
- toku tranzicije i mogućim vrstama pomoći i asistencije,
- uvjetima i rokovima prijavljivanja na biroe za zapošljavanje radi ostvarenja prava koja pripadaju nezaposlenim osobama,
- načinima aktivnog traženja posla u zajednicama lokalne uprave i samouprave,
- mogućnostima poslovnog savjetovanja, dodatnim obukama i prekvalifikacijama,
- mogućnostima savjetovanja u traženju posla, razvoju vještina, procjeni vlastitih mogućnosti, vođenju intervjua sa poslodavcima i načinima izrade vlastite biografije,
- postojećim programima podrške pojedincima i registrovanim poslovnim subjektima na nivou lokalne zajednice,
- potrebnoj dokumentaciji za pokretanje sopstvenog biznisa i
- mreži kontakata sa organima i institucijama sa ciljem osiguranja podrške za projekte zbrinjavanja itd.

Vojnicima koji su prisustvovali tranzicijskoj radionici uručen je set tranzicijskog materijala.